



**Totivs Ivris Canonici Compendivm, Siue, Brevis Svmma In
Qvinque Libros Decretalivm Sacri Concilii Tridentini
Decretis Accommodata**

In Qva Ivris Canonici Primæ Institutviones, seu Elementa ita traduntur, vt plurima breuiter ac decisiuè explicentur, & Canonum, Glossarum, ac Doctorum receptorum auctoritate communiantur ...

Continens Librum Quartum & Quintum Decretalium

**Axel, Johannes Honorius van
Coloniae Agrippinae, 1656**

Titulus XXVIII. De clerico non ordinato ministrante.

[urn:nbn:de:hbz:466:1-61572](https://nbn-resolving.org/urn:nbn:de:hbz:466:1-61572)

officii de elect. Boich. in d. c. si celebrat num. 12.

31 Interdum Episcopus suspenditur ꝛ a sacerdotali officio, c. sane el. 2. de off. deleg. & tunc non potest uti pontificali, etiam alibi quam in missa, aut exercere ea quæ sunt ordinis Episcopalis, quia sine sacerdotali officio non potest impleri pontificale. c. ex litteris in fin. de excess. pralat. gloss. in d. extravag. Ioannis XX. suscepti in verb. a pontificali-bus in fine Boich. in d. c. si celebrat numero 12.

32 Celebrans in loco ꝛ interdicto scienter irregularitatem incurrit à qua per solum Papam liberari potest, est inelegibilis activè & passivè, c. is qui §. fin. de sent. excomm. in 6. impostulabilis, c. 1. & ibi gloss. in verb. personam de postul. pralat. suspensus ab officio, beneficio, & omni iurisdictione ob contemptum clavium, c. fin. de excess. pralat. & clerici qui præsumperint interdictum violare, sunt excommunicationis vinculo innodandi & beneficiis spoliandi, nec audiuntur si dicant, quod sint injustè excommunicati, monachi & moniales in actionibus monasteriis ad agendam pœnitentiam detrudendi, c. postulasit §. quasivisti & ibi gloss. pen. hoc tit. & Can. electio verò in loco interdicto facta valet, quia per interdictum solum suspenduntur divina & Ecclesiastica sacramenta. Panorm. in c. num. 33. de postul. pralat. Ob prohibitionem celebrationis divinatorum in Ecclesia, celebrans in ea non incurrit irregularitatem, nam in multis casibus prohibitum est celebrari in Ecclesia cumulatim per Anchar. in c. præsentium. 1. c. is qui in princ. de sent. excomm. in 6. & irregularitas non incurritur nisi in casibus à jure expressis, d. c. is qui de sent. ex-

33 comm. in 6. Quando clerus ꝛ interdicto notatur, singulare ex eo personæ interdictæ censentur, & immiscepses se alicubi, etiam in loco non interdicto, divinis incurrunt

Summa in Decretal.

irregularitatem, c. si sententia de sent. excomm. in 6. Quando populus ꝛ alicujus terræ interdicitur, singulares quoque personæ interdixæ sunt, quid divinatorum auditio, & sacramentorum perceptio populo, ut universis non competit & non debent alicubi, casibus expressis in jure dumtaxat exceptis, audire divina, vel Ecclesiastica recipere sacramenta, alias incurrunt irregularitatem, c. si sententia §. fin. de sent. excomm. in 6. & ibi gl. in verb. alicubi & Can.

Titulus XXVIII.

De clerico non ordinato ministrante.

SYMMARIA.

- 1 CLERICUS non ordinatus temere exercens officium spectans ad ordinem quem non habet, & utens illius insigniis tenetur pœna falsi, deponitur sive à susceptis ordinibus, ac beneficio suspenditur arbitrio Episcopi & nunquam ordinatur.
- 2 DISPENSAT cum non ordinato ministrante in ordine suscipiendo Papa. Episcopus vero super executione ordinum susceptorum & beneficio.

PROXIMO titulo dictum est de pœna clerici celebrantis post interdictum officium, tunc subjicit de pœnis non ordinati ministrantis, per saltum promoti, & ejus qui furtive suscepit ordines, clericus non ordinatus temere ꝛ exercens officium spectans ad ordinem quem non habet, ac utens illius insigniis, & in solemnibus apparatu ministrans, tenetur pœna falsi, l. eos ff. de fals. deponitur, sive à susceptis ordinibus ac beneficio suspenditur arbitrio Episcopi, ac

Bb nun-

nunquam ordinatur, c. 1. & 2. hoc tit. ut quia non subdiaconus in solemnibus apparatu cantat Epistolam, non diaconus Evangelium, non presbyter missam, secus quando non subdiaconus sine solemnibus apparatu cantaret Epistolam, ut quotidie fieri videmus, c. ut quisque presbyter de vit. & honest. cleric. Diaconus non presbyter celebrans non conficit venerabile sacramentum, quia solus is conficit, qui ritè fuerit ordinatus, c. 1. §. una de summa Trinit. c. 2. & ibi gloss. in verb. præsumpsit & Can. hoc tit. singula enim Ecclesiastici juris officia singulis quibuscunque personis sigillatim committenda sunt, d. l. singula 89. dist. c. subdiacono 93. dist. Dispensat ¶ cum non ordinato ministrante in orne suscipiendo solus Papa, Episcopus verò super executione ordinum susceptorum, & beneficio post peractam pœnitentiam vel ejus partem, c. 2. hoc tit. & ibi gloss. fin. Host. num. 2. & 3. Panor. num. 3. & Can. communi-ter.

Titulus XXIX.

De clerico per saltum promotò.

SVMMARIA.

- 1 PROMOTUS per saltum sive clericus sive laicus recipit characterem.
- 2 PRÆPOSTERATIO in collatione ordinum non vitiat, sed inducit irregularitatem vel suspensionem & impedit executionem sic suscepti ordinis quousque prætermis-
sissos accipiat.
- 3 COLLATIO beneficij per saltum promotò facta non valet.
- 4 CUM scienter per saltum promotò & in ordine non gradatim suscepto ministrante dispensat Papa super executione ordinis & promotione ad majores.

§ Si non ministravit vel ministravit credens se promotum fore gradatim dispensat Episcopus.

PROMOVENDUS ad sacros ordines debet fidem facere de inferioribus gradatim enim pervenitur ad sacerdotium, c. subdiacono 93. distinct. c. qui pie 23. sess. in princ. c. si officia 59. dist. c. 1. & seqq. 77. distinct. Boich. in c. innotuit n. 3. de eo qui furt. ord. suscepit. sicut ad honores temporales, l. ut gradatim ff. de mun. & honor. si de inferioribus non apparet, non præsumentur collati, c. unico hoc tit. latè Anhar. in c. innotuit num. 5. de eo qui furt. ord. suscep. Hostiens. num. 2. Boich. num. 3. Promotus per saltum ¶ sive clericus, sive laicus, recipit characterem, ac valida est presbyteratus vel alterius sacri ordinis collatio prius minoribus ordinibus non receptis, ac etiam ordinis Episcopalis non recepto prius sacerdotio, Pan. in c. unico hoc tit. num. 4. & 5. & ibi Boich. num. 8. & seq. plures cumulans & Can. 1. sollicitudo & ibi gloss. mag. & Can. 52. distinct. nam in quacunque ætate aliquis ordinem recipiat, ordinatus est, quando baptismus præcessit, c. vel non est compos. de temp. ord. c. unico & ibi gloss. in verb. discretionis Hostiens. num. 3. & Can. comm. 1. hoc tit. & præposteratio ¶ in collatione ordinum non vitiat, sed induit irregularitatem, vel suspensionem, Garc. de benef. par. 7. cap. 1. §. 1. num. 190. & seqq. plures citans & num. 162. limitat. & impedit executionem sic suscepti ordinis, quousque post peractam condignam pœnitentiam congruo tempore prætermis-
sissos, aut eos de quorum receptione non constat accipiat, aut suppleantur cum protestatione, si non es ordinatus, ego te ordino, & fuerit cum eo dispensatum, in summa & c. 152. dist. c. unico hoc tit. & ibi Boich. num. 9. & Pan. num. 2. & Cav.